

Lampiran Penerangan Produk

Stevedore/Wharfinger Liability Insurance

Manfaat-manfaat yang dibayar di bawah sijil/polisi/produk yang layak adalah dilindungi oleh PIDM sehingga had perlindungan. Sila rujuk [Brosur Sistem Perlindungan Manfaat Takaful dan Insurans PIDM](#) atau hubungi [Chubb Insurance Malaysia Berhad](#) atau PIDM (lawati www.pidm.gov.my).

Pelanggan sekalian,

Lampiran Penerangan Produk (Lampiran) ini direka untuk memberi anda maklumat utama mengenai polisi Stevedore/Wharfinger Liability Insurance ini.

Pelanggan lain telah membaca Lampiran ini dan mendapati ia membantu; **Anda juga patut membacanya.**

1. Apakah Stevedore/Wharfinger Liability Insurance?

Insurans liabiliti Stevedore/Wharfinger direka untuk liabiliti yang ditanggung semasa memuatkan dan memunggah kargo di pelabuhan.

2. Ketahui Perlindungan Anda

Anda akan menerima **perlindungan** berikut:

Polisi ini melindungi :		Polisi ini mengecualikan
Insurans Liabiliti Stevedore	- Liabiliti Kargo: Kehilangan atau kerosakan pada kargo semasa operasi memuat/memunggah. - Kerosakan Harta Pihak Ketiga: Kerosakan yang tidak sengaja pada kapal, kontena, kenderaan atau peralatan semasa pengendalian kargo. - Liabiliti Kecederaan Badan: Liabiliti sah untuk kecederaan kepada pihak ketiga (cth, anak kapal, pelawat, kontraktor) semasa aktiviti pemunggahan. - Kos Pembelaan Undang-undang: Perbelanjaan untuk mempertahankan tuntutan atau Tindakan undang-undang yang berkaitan dengan insiden tertanggung. - Liabiliti Pencemaran: Boleh melindungi pencemaran yang tidak sengaja yang disebabkan semasa operasi kargo.	- Perbuatan yang Sengaja atau Kecuaian Melampau: Tuntutan yang terhasil daripada tindakan yang sengaja atau pengabaian keselamatan secara melulu. - Haus dan Lusuh/Kemerosotan: Kerugian akibat kemerosotan secara beransur, kecacatan yang wujud, atau haus dan lusuh biasa kargo, kapal atau peralatan. - Kerugian Di Luar Penjagaan, Pemilikan atau Kawalan: Insiden yang berlaku apabila kargo, kapal atau harta benda tidak berada di bawah tanggungjawab pihak tertanggung. - Perang, Keganasan, atau Risiko Nuklear: Kerosakan atau liabiliti yang timbul daripada peperangan, keganasan atau insiden nuklear (melainkan disertakan secara khusus). - Liabiliti Kontrak: Liabiliti yang ditanggung di bawah kontrak yang melebihi liabiliti sah pihak tertanggung. - Kecederaan Pekerja: Tuntutan untuk kecederaan kepada pekerja (dilindungi di bawah polisi Pampasan Pekerja atau Liabiliti Majikan). - Risiko Siber: Kerugian akibat serangan siber atau pelanggaran data (melainkan disertakan secara khusus). - Pencemaran (Beransur): Pencemaran beransur atau kontaminasi (hanya kejadian tiba-tiba dan tidak sengaja boleh dilindungi). - Kerugian yang tidak dapat dijelaskan: Kerugian di mana puncanya tidak dapat ditentukan atau dibuktikan.
Insurans Liabiliti Wharfinger	- Liabiliti Kapal: Kehilangan atau kerosakan pada kapal semasa berada di dermaga, dok atau jeti. - Kerosakan Harta Pihak Ketiga: Kerosakan harta benda yang tidak sengaja (cth, dok, peralatan, kenderaan) di dermaga. - Liabiliti Kecederaan Badan: Liabiliti sah untuk kecederaan kepada pihak ketiga (cth, pelawat, anak kapal, kontraktor) di premis dermaga. - Kos Pembelaan Undang-undang: Perbelanjaan untuk mempertahankan tuntutan atau Tindakan undang-undang. - Liabiliti Pencemaran: Boleh melindungi pencemaran yang tidak sengaja atau kerosakan alam sekitar di dermaga.	

		Denda dan Penalti: Denda atau penalti kawal selia tertentu, melainkan dilindungi secara khusus.
Senarai perlindungan dan pengecualian dalam jadual ini bukan menyeluruh . Sila baca polisi anda untuk senarai penuh terma dan syarat.		
Tempoh perlindungan ialah 1 tahun. Anda perlu memperbaharui polisi anda setiap tahun.		

3. Ketahui Kewajipan Anda

Untuk polisi insurans ini dan sebarang perlindungan tambahan/pilihan yang diminta, jumlah premium yang tepat akan ditentukan berdasarkan pelbagai faktor, termasuk aktiviti perniagaan/skop kerja anda, Had Liabiliti, hasil tahunan/nilai kontrak, lokasi risiko, sejarah kerugian dalam tempoh 5 tahun yang lalu. Sila hubungi kami/perantara perkhidmatan anda untuk mendapatkan sebut harga.

Anda juga perlu membayar yuran dan caj berikut:

Duti setem (jika berkenaan)	RM 10.00
Komisen (jika berkenaan)	Maksimum sehingga 15% daripada premium
Caj lain yang dikenakan	Cukai perkhidmatan 8%

4. Terma Utama Lain

- Kewajipan pendedahan anda
- Sebelum memasuki kontrak insurans, anda mempunyai kewajipan untuk mendedahkan kepada kami apa-apa perkara yang anda tahu relevan dengan keputusan kami sama ada untuk menerima risiko atau tidak serta kadar dan terma yang akan digunakan; atau seseorang yang munasabah dalam keadaan itu dijangka akan mengetahui perkara yang relevan.
- Anda mempunyai kewajipan ini sehingga kami bersetuju untuk menginsuranskan anda.
- Anda mempunyai kewajipan yang sama sebelum anda memperbaharui, melanjutkan, mengubah atau mengembalikan kontrak insurans.
- Polisi ini bersama-sama dengan Jadualnya dan sebarang Pengendorsan yang dilampirkan adalah kontrak sah yang akan membentuk keseluruhan kontrak antara pihak-pihak.
- Sila pastikan bahawa terdapat Had Liabiliti yang sesuai diambil kira.
- Terdapat jumlah Deduktibel yang perlu anda tanggung sebelum kami membayar tuntutan.
- Polisi ini tertakluk kepada Jaminan Pembayaran Premium selama 60 hari, iaitu premium yang perlu dibayar mesti dibayar dan diterima oleh Chubb (atau perantara yang melaluinya Polisi ini dikuatkuasakan) dalam tempoh enam puluh (60) hari dari tarikh permulaan. Jika gagal berbuat demikian, polisi ini akan dibatalkan secara automatik dan enam puluh (60) hari masa prorata ke atas premium risiko akan dibayar kepada Chubb.
- Sekiranya berlaku sebarang kejadian yang mungkin menimbulkan tuntutan, anda hendaklah memberikan notis bertulis kepada kami mengenai tuntutan tersebut secepat mungkin selepas anda mengetahuinya.

Nota: Senarai ini **bukan menyeluruh**. Sila baca polisi anda untuk terma dan syarat penuh.

5. Bolehkah saya membatalkan Polisi saya?

Ya. Anda boleh membatalkan polisi anda pada bila-bila masa dengan memberikan notis bertulis kepada kami. Selepas pembatalan, anda berhak menerima bayaran balik prorata premium untuk Tempoh Polisi yang belum tamat tempoh tertakluk kepada terma dan syarat polisi.

Jika Anda mempunyai sebarang soalan atau memerlukan bantuan mengenai produk insurans Anda, Anda boleh:

Hubungi Kami di: 603-2058 3000

Lawati Kami di: <https://www.chubb.com/my-en/contact-us/product-enquiry.html>

E-mel Kami di: Inquiries.MY@chubb.com